

خيمة الاسكوا ٢١ آذار ٢٠١١

## Stop بلكي الصوت يوڊي

اعذرونا عالازعاج .. أكيد مش انتو المقصودين  
صرلنا ٦ سنين بالخيمة و قبلا سنين كتار ما حدا تحرك من المسؤولين  
ليل نهار.. صيف شتا.. ما حدا ظل .. ما حدا تحرك من المسؤولين  
شو السبب؟

عاملين حالهم مش قاشعين.. مش سامعين.. مش عارفين  
بس بالحقيقة هني مطمئنين.. الأصح هني متواطئين..  
مين قال اتو المجرم هو بس هلي خطف ولادنا؟؟  
أكيد بتعرفو مثل ما منعرف

اتو المجرم هو ي كمان هلي ساكت عن الجريمة وعن يلي ارتكبتها  
المجرم هو ي كمان يلي حاميه  
وجريمتو بتصير أكبر وأخطر كل ما زادت سلطتو.. وكل ما علي منصبو  
إذا كان بالحكم ولا برات الحكم  
إذا كان ب ٨ آذار ولا ب ١٤

يمكن تقولو خلص: انسوا وطووا الصفحة  
بس يا جماعة في حدا ب الكون بينسى ولدو ؟  
أو قادر يبقى كل عمرو ما بيعرف إذا بعدو طيب أو مات؟  
ليش ب دول العالم يلي صار فيا حروب احترمو مفقوديهم وأهاليهم وكشفوا كل الحقيقة  
عنهم؟

شو عملوا؟

نبشوا المقابر الجماعية وتعرفوا عا هويات الرفات وسلموها لأصحابها ودفنوها  
باحترام؟  
وين مثلاً؟

بالأرجنتين، التشيلي، جنوب أفريقيا، سراييفو، المغرب....  
مين قال المفقود ما الو حقوق وما عندو كرامة؟  
صوتوا معنا لكشف الحقيقة عن شو صار ب ولادنا  
صوتوا معنا لنعرف كل الحقايق ب بلدنا

هيك منساهم بتحقيق الحلم وبيصير لبنان "وطن" بيساع كل ولادو.. بيحميهم وبيحترم  
حقوق الإنسان..

هيك بلكي العياد بترجع شي مرة تعرف طرقات بيوتنا ..

بعيد الأم ، تحية من أمهات المفقودين في لبنان لكل أمهات لبنان وآبائه..